

黔陽縣志卷三

紀三

古大政紀

鑿門開道通無外之隅綏遠輯遐成一中之治而實權輿於
幹樞運軸執甚勞已黔陽自漢迄今幾二千載雖鄰交弗類
掌故難稽而措置征討興廢諸大端史編所載非盡方志所
傳謹綴其年次以見開我

朝之先者包野絡山遺軌具在夫事多沿襲義固各有取哉作古大

政紀

漢

高帝五年癸卯置武陵郡置縣鐔成舊志誤作城按晉始改成爲城

東漢

黔陽縣志

卷第三

古政紀

一

光武建武二十三年丁未十二月武陵蠻叛寇掠郡縣遣劉尙討之
戰於沅水尙軍敗沒

時南蠻精夫峒溪雜志苗人渠帥謂之精夫相單程寇郡縣明年遣武威將軍

劉尙擊之尙輕敵泝沅而上直入溪峒蠻民知尙道遠糧少又

不識地理遂屯聚守隘尙食盡引還蠻沿路邀截尙軍大敗悉

爲所沒後漢南蠻傳

二十五年乙酉伏波將軍馬援征五溪蠻至壺頭卒於軍按光武紀三月伏波

將軍馬援等破五溪蠻於臨沅

冬十月叛蠻悉降

後漢

昭烈帝章武元年辛丑秋將軍吳班馮習攻吳次秭歸五溪蠻獠遣

使迎兵蜀志

二年壬寅帝進軍獠亭遣馬良入武陵招納五溪蠻渠長皆受印綬

蜀志本傳

吳永安六年癸未魏遺郭純試守武陵誘致諸蠻邑吳以鍾離牧

領郡五溪悉平吳志鍾離牧傳

晉

武帝咸甯三年丁酉五溪蠻內附晉書本紀

愍帝建興三年乙亥杜弢將王貢誘五溪蠻以舟師斷官運荊州刺

史陶侃擊破之晉書

成帝咸和四年己丑長沙郡公陶侃遣諮議參軍張誕討五溪蠻平

之晉書

安帝義熙年失考徙舞陽治於鐔城通志

宋

黔陽縣志 卷第三 古政紀 二

後廢帝元徽二年甲寅五溪蠻殺荊州使者遂侵武陵內史蕭嶷平

之

齊改舞陽為無陽通志

高帝建元二年庚申以蕭嶷都督荆湘八州軍事南蠻校尉於南蠻

園東南開館立學置生四十人儒林參軍一人文學祭酒一人

勸學從事三人行釋菜禮齊書豫章王本傳

武帝永明元年癸亥向宗頭與黔陽蠻田豆渠等五千人為寇巴東

太守王圖南遣府司馬劉僧壽攻走之通志○按是時無黔陽

之以別於後之名黔陽者並以解杜詩黔陽之惑

梁改無陽為龍標縣隋廢舊志

唐

高祖武德七年甲申復置龍標縣唐書

太宗貞觀八年甲午分辰州龍標縣置巫州治領龍標析置夜郎朗

溪思微舊志 按標改標自此始

天寶元年壬午改業州為龍標郡舊志

天寶十四載乙未五溪經略使增口守捉使通志

二十六年丁未黔州置五溪諸州經略使通志

肅宗乾元元年己亥以龍標郡復為業州舊志

代宗大曆五年庚戌改巫州曰叙州 以李泌為澧朗硤刺史

德宗初湖南觀察使李皋城叙州

憲宗元和六年辛卯閏月辰叙州首領張伯靖反通志

八年癸巳荆南節度使嚴綬招諭辰叙叛蠻張伯靖請降通志

後梁開平三年己巳辰州蠻酋宋鄴寇湘鄉叙州蠻酋潘全盛寇武

岡馬殷遣邵州刺史呂師周將衡山兵五千討之斬全盛於武

黔陽縣志

卷第三

古政紀

三

岡蠻悉平

通鑑按楚世家開平三年作乾甯四年全盛一作金盛

乾化三年壬申辰州蠻酋宋鄴昌師益降於馬殷殷以鄴為辰州刺

史師益為叙州刺史通志

龍德元年辛巳辰叙蠻侵楚楚甯遠節度使姚彥章討平之通志

後漢隱帝乾祐二年馬希萼誘辰叙州及梅山蠻共擊湖南

後周太祖廣順二年冬劉言取湖南欲召叙州酋長符彥通武平

節度周行逢止之

世宗顯德元年十一月符彥通稱王於溪峒間王逵遺其將王虔

朗撫之事平

宋

太祖建隆四年壬戌四月水鬪都虞侯林抱義上辰叙二州圖

乾德元年癸亥以辰州秦再雄為辰州刺史於是溪錦叙等州皆來

乾德三年_{丑乙}七月五溪團練使洽州刺史田處崇上言湖南節度

使馬希範建叙州治潭陽縣為懿州署臣叔父萬盈為刺史希

範卒希萼襲位改為洽州願復名詔從之宋史

八年_{酉乙}錦溪敘富四州相率詣辰州願比內附民輸租稅不許宋史

八年以敘州舒德郛為刺史宋史

淳化五年_{申丙}以舒德言為沅州刺史宋史

真宗景德三年_{午丙}五溪都防禦史向通漢表求旌贈父母從之宋史

大中祥符元年_{申戊}知沅州舒君強加檢校太子賓客宋史

天禧元年_{巳丁}向通漢上五溪地圖宋史

神宗熙甯五年_{子壬}湖北提刑獄趙鼎上言蠻眾願內附閏七月遣

中書校正官章惇察訪荆湖北路宋史

黔陽縣志

卷第三

古政紀

四

時布衣張翹亦上書言富硤敘諸州蠻咸思歸化皆可郡縣詔
下知辰州劉策商度策請如翹言遣章惇為察訪使

六年_{丑癸}章惇以三路平懿洽鼎州按硤州訛為洽

六年以硤州新城為安江砦富州新城為鎮江砦宋史○按硤州
又名硤中見通

志

七年_{寅甲}四月置沅州以懿州新城為治所並置黔江城罷銅安砦

即銅以鎮安砦隸州尋廢為舖是年置沅州騎軍宣節宋史

九年_{辰丙}十月詔除放沅州歸正人戶去年倚閣秋稅本紀

元豐元年_{午戊}三月辰猺賊叛詔沅州兵討之宋史本紀

三年_{申庚}併鎮江砦人戶入黔江城為黔陽縣黔陽名始

三年初建學宮於縣治 置托口砦通志

八年_{丑乙}詔沅州增修堡砦通志 罷托口砦通志

哲宗元祐五年庚午置竹灘洪江二砦隸黔陽縣通志

紹聖元年甲戌沅州更置有馬雄略通志

政和元年辛卯黃安俊叛圍鎮江砦知州事張建侯與盧陽令王憲

之率兵往救俱被執不屈死大清一統志 府志

宣和元年己亥復置銅安砦

高宗建炎元年丁未沅州奏乞以閑田募民承佃招弓弩手二千人

從之文獻通考

六年丙辰置沅州弓弩手千五百人本紀按又有鄉兵萬弩手

孝宗乾道四年戊子二月命湖北安撫給田募辰沅靖三州弓弩手

宋史

淳熙 遷學宮於普明寺東

甯宗嘉泰遷學宮於城外西隅

黔陽縣志

卷第三

古政紀

五

理宗寶慶元年乙酉黔陽縣令饒敏學重修學宮

紹定元年始置黔陽縣教授以本邑單銓爲之從敏學請也

元

世祖至元十二年乙亥立沅州安撫司通志

十四年丁丑改沅州路領縣黔陽麻陽如故屬湖廣中書行省

順帝至正六年丙戌靖州猺賊吳天保陷黔陽武岡溆浦諸郡縣通志

至正二十四年甲辰置沅州衛兵五千一百八十三名通志

二十七年丁未大明兵取沅州路改爲府仍屬湖廣中書行省明史

明

洪武九年丙辰復以沅州府爲州以州治盧陽縣省入隸辰州溆屬

湖廣布政使司領縣二黔陽麻陽明史置安江巡檢司

十四年辛酉九月以傅友德爲征南將軍征雲南領步騎三十萬田

辰沅趨貴州 明史

正統十四年 己巳 湖廣貴州苗變靖遠伯王驥頓軍辰沅不進尋命

保定伯梁銘討平之 明史王驥傳

十四年湖南苗叛掠靖州命湖廣右布政使馬謹招諭出掠者擊

之尋破淇溪諸砦 府志淇溪在黔陽縣東北石保鄉

景泰初復大破臘婆諸峒 今熟坪石太塘南十里

景泰中溪峒蠻獠出沒為寇於黔陽縣置安江雙 岳城又增黔

陽竹灘二堡飭沅州衛官軍哨守 通志

成化十二年 丙申 萊溪清水江諸峒苗犯靖州武岡黔陽總兵李震

與巡撫劉敷分道破之 通志

嘉靖三十一年 壬子 以苗酋亂平議設三藩總督留兵部左侍郎張

岳鎮撫開府沅州 府志

黔陽縣志 卷第三 古政紀 六

四十二年 癸亥 罷沅州總督 府志

萬曆二十七年 己亥 總督李化龍討播州楊應龍湖廣巡撫支可大

移沅州又擢江鐸為僉都御史巡撫偏沅地方贊理軍務 偏沅巡撫

自鐸始按半年駐沅州半年駐便橋

時自兩巡撫以下各官俱屯紮沅州民間千里運糧累死者眾

芷江志

天啟二年 壬戌 右僉都御史王三善代撫貴州駐沅州調集兵食 時以

奢崇明安邦彥之叛三善尋敗死明史

三年 癸亥 總督楊述中駐沅州朝命屢趣始移兵鎮遠 府志

崇正二年 己巳 定設偏沅巡撫駐沅州移分守湖北道駐辰州又有

辰沅兵備道控制苗人 按通志引武備志有辰沅兵備道一員駐沅州

崇正十七年 甲申 八月明福王命何騰蛟兼撫湖南湖年令傅上瑞

攝偏沅巡撫遣章曠調黃朝宣張先璧劉承允兵

通志

按府志張先璧奔至沅抵七里紅岩山潰卒殺團兵百餘駐城兩月復返衡永芷江志云以明史攷之是年先璧以副將守澱浦蓋潰而奔沅又返澱浦始赴騰蛟調也

乙酉李自成敗奔辰州入黔陽何騰蛟遣兵進攻自成屯羅公山

飢疲突走村落堡民擊斃之截其首獻之騰蛟

明史紀事通鑑

黔陽縣志

卷第三

古政紀

